



AqesdumGiesnups & Sippe
S O L E M
SVPRA
HORIZONTEM IENENSEM,
c v m
SERENISSIMVS ET CELSISSIMVS
PRINCEPS AC DOMINVS
DN. IOANNES
GVILIELMVS,
DVX SAXONIAE, IVLIACI, CLIVIAE, AC
MONTIVM
LANDGRAVIS THVRINGIAE
MARCHIO MISNIAE
PRINCEPS HENNEBERGIAE
COMES IN MARCA ET RAVENSBERG
DYNASTA IN RAVENSTEIN, ETC.
ACADEMIAE SALANAE
RECTOR MAGNIFICENTISSIMVS
CREARETVR
SVMMMA DEVOTIONE CONTEMPLABATVR
EIVS CELSITVDINIS
SUBIECTISSIMVS CLIENS
C. G. KAHRSTEDT.

JENAE,
LITERIS IOANN-ZACH. NISI

longi

40.



Ades dum Cives urbis & orbis!

M
purpurascit crepusculum,
diluculum promittit serenitates,
à Serenissimo.

Incolæ soli, si solem spectastis in Cœlo,

Hunc in terris miramini;

Qui ceu Crepusculum purpuram induit,
diffundit purpuram ceu diluculum.

Hesperum dixisse, nisi virtutum ortum,
Phosphorum, nisi vitiorum occasum,

prædiceret,

Phaethontem, nisi artem habenas Reipubl. tenendi,
teneret.

Quis ergo?

Sol Hic est magnæ lucis,

Quem Salana postulat,

ut orbem academicum orbitâ sua illustret;

Et ecce adest:

Serenissimus & Celsissimus

Princeps ac Dominus,

DN. IOHANN-GVILIELMVS.

Dux Saxoniæ, Iuliaci, Cliv. ac Mont.

Qui serenissima sua fronte,

Frondes & fontes hujus Parnassi

serenabit.

Hoc mense, nomine secundo

omine secundiori

novum celsitudinis ingreditur Zodiacum.

Vtinam non per duodena, sed per infinita eum absolveret
signa!

Sole est purior,
Quod in Eo maculas non invenerit
publica observatio,
Quæ Magnatum mendas augendo, convexis,
Eorum virtutes minuendo, concavis
aspicere solent vitris.

Unde Salana frena non effrenæ sed ingenuæ Iuventutis

Ejus alligat manibus;
Suam Purpuram,
Ejus imponit humeris,
Fatis satis mature, quod quis T
merito & meritis;
Purpura enim illis convenit,
Queis majorum sangvis,
Queis propria virtus,
ora purpuravit.

Nullo magis lumine mortales, ceu immortales illustrantur,
quam ubi à crvore,
vel à virtute Iilustrissimi audiunt:

TVO CELSISSIME PRINCEPS
utroque lætaris,
Dum quid natura efficere debuit, Socia
Quid virtus potuit,
In Te experta videatur.

Ergo aggredere ô Magne PRINCEPS,
(Magnus omnibus Tua tantum minor magnitudine)
aggredere inquam honores Principe dignos,
Quos
Deo favente,
Dovoto voto & vultu
Salana Tibi offert.

Corripe lora,

Et patriis virtutibus, orbem hunc academicum ordina
suspice ò Phœbe & suscipe hoc semestre

Borealem hanc plagam

Quo radios Tuos nunquam nebularum conopeo involutos,
semper purpureo jubare refulgentes,
aspiciamus.

Sed siste camæna gradum
ne soli lucem affundere videare.

Tantum precare , quantum vales,
ut Serenissimus noster

In felicitatis centro semper constitutus,
Nunquam ad Ecclipticam vergat

Neque solstictium patiatur,

Quo propitio Iovi se semper sistere

Saturno se subtrahere feliciter queat:

Solaureus

non tantum cupressus aereas

sed humiles aspicit myricas.

Aspice & Tu CELSISSIME PRINCEPS

mea studia,

quo Tuο jubare

crescant , floreant

quam diutissimè.

(enarratio de seculorum fine)



